

4. He oranga atu anō?

Ngā Kiripuaki



TAMA



KIRIHAETHAE

Kāpeka: Kei waho a Tama rāua ko Kiri e kori ana me te pāoro. Kei te āwangawanga a Tama mō te oranga o tōna whānau. Ka tahuri ia ki a Kirihaehae ki te whāriki o ōna āwangawanga.

TAMA: E maumahara ana koe ki te wā i te noho tahi tātou katoa i te mōtēra?

KIRIHAETHAE: Āe, e maumahara ana ahau.

TAMA: He pai tērā nohoanga ki a koe?

KIRIHAETHAE: Ummm, kāore i tino kino ki a au, engari kāore hoki i tino pai. He aha ai?

TAMA: E kore rawa au e pīrangi kia hoki ki tērā oranga, e Kiri. Kāore i pai ki a au te noho mōtēra.

KIRIHAETHAE: He aha ai Tama? Kāore i pērā rawa te kino. Ka uru katoa tātou ki te rūma kotahi. He nui ngā tāngata me ngā tamariki hei hoa kori mōku. He maroke te kōrero ki a koutou anake. He tino pīrangi nōku te hāerere kia kite i te ao, kia tūtaki hoki i te tāngata.

TAMA: Āe, he pai hoki tērā. Engari e āwangawanga ana ahau ki a Johnny. E tino māuiui ana ia. Kāore koe i rongu i tana rewharewha inapō?

KIRIHAETHAE: Kāo! I tino pai taku moe inapō!

TAMA: Aiare e kare. I te kino te rewharewha o Johnny inapō, kāore a māmā rāua ko pāpā i moe.

KIRIHAETHAE: Nē hā? Wī, kāore au i mōhio.

TAMA: Āe. Ko taku āwangawanga, kua kino kē atu tana mate huango.

KIRIHAETHAE: Me mutu tō āwangawanga e Tama. Tekau noa iho tō tāua pakeke. Ehara ngēnei āwangawanga i te āwangawanga mō te tamariki.

TAMA: He tika tāu e Kiri. Heoi, me āta whakaaro pea e tāua ki ngā rā e heke mai ana kia kaua tātou e mate ki te hoki ki te noho mōtēra. Heoi, kāore au i te mōhio he aha te huarahi e puta ai tātou i tēnei rawakoretanga kia whai oranga ai tō tāua whānau.

KIRIHAETHAE: Whakarongo mai ki a au e Tama. Kei Te Puea Marae tātou. Ko tā rātou mahi he manaaki tāngata. Ko tātou te hunga rawakore tērā e manaakitia ana e rātou. Nō reira ko rātou pea ka mōhio ki te huarahi e puta ai tātou.

TAMA: Hmmm, he tika pea tāu. Me haere pea tāua ki te kōrero ki a Uncle Huri?

KIRIHAETHAE: Haere koe. Kei te haere au te kimi i a Annie.